

Izađite iz slijepe ulice

Lideri BiH moraju izaći iz slijepe ulice u kojoj se trenutno nalaze i umjesto toga početi da Evropskoj uniji mnogo uvjerljivije govore zašto Bosna i Hercegovina treba postati članica, rekao je visoki predstavnik i specijalni predstavnik EU Valentin Inzko na međunarodnoj konferenciji koja je danas održana u Hercegovini.

Visoki predstavnik i specijalni predstavnik EU je izjavio da u četiri godine gotovo ništa iz programa integracija Bosne i Hercegovine u Evropu nije provedeno jer su lideri ove zemlje "slučajno ili smišljeno koračali slijepom ulicom."

On je rekao da lideri moraju "odlučiti da li žele, ili ne žele, ispoštovati želje više od 80 procenata biračkog tijela i vratiti se na evropski put i početi sa usvajanjem i provođenjem potrebnih mjera."

Visoki predstavnik i specijalni predstavnik EU je dodao da će u sljedeću nedjelju "građani Bosne i Hercegovine imati priliku da iskažu svoje mišljenje o ovome. Ukoliko građani izađu na biračka mjesta u velikom broju i glasaju za kandidate koji su eksplicitno objasnili kako planiraju dovesti zemlju u Evropsku uniju, oni će dati poticaj koji je nedostajao u posljednje četiri godine."

Istakao je da će ovo omogućiti "političkim predstavnicima ove zemlje da počnu govoriti Evropskoj uniji, jasno i glasno, da postoje čvrsti razlozi za primanje Bosne i Hercegovine u članstvo."

Visoki predstavnik i specijalni predstavnik EU je održao ovaj govor u Međugorju tokom Konferencije o putu Bosne i Hercegovina ka članstvu u EU koju organizira Panevropska unija BiH.

Cijeli tekst govora visokog predstavnika i specijalnog predstavnika EU možete naći na www.ohr.int i www.eusrbih.eu